

新疆府縣志輯

中國地方志集成

光緒新疆志

乾隆伊犁事宜

乾隆伊江匯覽

中國地方志集成

新疆府縣志輯 ⑨

光緒新疆志

乾隆伊犁事宜

乾隆伊江匯覽

咸豐伊江集載


伊犁考

伊犁略志

鳳凰出版社 ● 上海書店 ● 巴蜀書社

光緒新疆志

(清)佚名纂



本書不分卷，現據清光緒三十二年
(一九〇六)鈔本影印。該書原名題《疆
志》，現按約定俗成依本輯體例作《新疆
志》。

疆

志

上冊

南疆圖說

輿圖繪以方格每格定為一度每度計二百里旁註度数有極星
高下定南北緯度也有偏西度数明距

京師中綫及東西經度也畫以紅綫別各城疆域也重以紫綫分中
外也界外更詳註昔日為我

朝屬藩如霍罕什克南博羅爾郭羅鄯塔什干納木干布魯特哈

薩克或為賓服如安集延布哈爾愛烏罕克什米爾或為頒朔之所及如吹河塔勒斯河特穆爾圖淖爾哈楚特山以上南路附近部落與夫舊設卡倫悉依地圖按經緯度数一一註之以證伊犁志當日所通部落方隅暨我

朝乾隆中葉西番用兵或越吹河以西或由便道取捷各道路並可識現分疆界準古酌今釐定妥協一切更變各情形皆有所稽

考而得其寔焉

一中外疆界謹觀

皇興全圖新疆由和闐以南至於西藏葉爾羌西南至於愛烏罕喀什

噶爾西北至於塔什罕伊犁西北至於哈薩克按地圖經緯度数考

之遠距各城千餘里或數千里不等而俄人又間在塔什干哈薩

克部落之北月氏以西皆我闕戶者舌之語悉隸版圖不意

咸豐之末內寇未靖而邊陲亦因利乘便日肆侵越斯疆域分岐異於昔者多矣

一特穆爾圖淖爾今名伊斯奚克庫里湖按伊犁志在伊犁西南

鄂爾果朱勒卡倫外四百餘里東西長而南北狹又考地圖緯度

四十二度五十分經度三十九度二十分以度法安置即烏什貢古

魯山北緊隣一巨溟也按西輿圖考載闐池熱海大清池得

嶷海等名註云即特穆爾圖泊今又名伊斯奚克者譯言熱也
庫里者譯言注水處即華言之曰湖曰海也海中之水雖隆冬不
結冰故從來以熱海名海之寬廣南北不及百里東西長約六百餘
里海之北岸昔為巴雅什布魯特遊牧即今巴也蘇隆地方海
之南岸分為兩路東則向為布庫布魯特遊牧即今托必庫
玉里伊什噶喬拉克庫魯安喀喇噶勒一帶地方西則向為

薩今巴噶什布魯特遊牧即今巴爾斯廊溫河喀喇賽河納
林河阿克別里志提木山怕尔喀刺岱山一帶地方環海而
居者皆布魯特也詢計丁口現在三萬餘戶昔隸伊犁今歸
喀喇噶勒納林河巴也蘇隆分治統其衆者則阿里瑪圖
今設一大員

一巴爾琿嶺今名巴爾斯廊溫山按伊犁志伊犁西南出鄂尔果

朱勒卡倫百三十里經善塔斯嶺又五百五十里踰巴尔琿嶺又
百八十里渡納林河又四百五十里由烏蘭烏蘇河至喀什噶爾
可行馬皆在布魯特界中無軍台善塔斯嶺巴尔琿嶺皆葱
嶺也又按西域圖考我

朝乾隆中西番用兵便道取疾由特穆爾圖泊越巴尔琿嶺以至
喀什噶爾兵行之道亦有浮橋西域水道記云巴尔琿嶺險怪

異常盛暑殷雷飛雪如掌嶺陰雪大十餘丈終古不消南踰嶺
三十里曰素魯克人畜之骨布滿於路瘴氣昏蔽常如陰晦南
行四十里至雅滿伊什克乃見晴朗又南行六十餘里為塔爾海嶺喀
喇河發焉西流三百里為納林河洪流飛駛深不見底每歲兵行
渡以浮橋渡納林河西行四百五十里為葱嶺北河烏蘭烏蘇之北
岸矣此言道里最為明晰今查此道由鄂爾果朱勒卡倫西行三

十里至桑塔什詢之往來貿易回商人等云桑塔什即善塔斯
又西行五百餘里至巴尔斯廊温山地方即巴爾琿嶺又云蘇約克
云即素魯克又至雅阿克塔什云即雅滿伊什克又至塔勒蓋云
即塔爾海嶺至是嶺水西流昔謂之喀喇河今謂之喀喇賽河近
來漸成通衢可馬行惟不能車行

一吹河今名吹德意譯言德意河也按地圖緯度四十四度五十

分經^度四十二度今之托和瑪克城左濱吹河適當其地按西域圖

考古者越吹河而西復由石國而南蓋以道里雖遠自此迤西
千餘里皆平易之途車馬俱能行不至若巴爾琿嶺道山險
怪異常也石國古康居地即今哈薩克塔什干一帶地方

一塔什干城即塔什罕按地圖緯度四十三度三分經度四十七度四
十三分向為我

朝屬藩詢之該部落據稱歸俄人以來纔二十有二年以今推算
當在咸豐末年其城人稠地廣以阿克蘇所屬十倍不能及
俄設防兵於城外籌餉之法視戶之殷庶每戶歲納銀自
一兩至拾兩有差糧則由俄官採買

一塔勒斯河按地圖緯度四十三度五十分經度四十四度今之
阿里雅達城適當其處向為我